



KOMUNIKADO PA PRENSA

Fecha

18 di ougùstùs 2017

Accountmanager di Komunikashon

Jhanirha Da Costa Gomez

Email

jhanirha.anita@gobiernu.cw

Siman di tráfiko sigur

Willemstad – E siman di 21 pa 25 di ougùstùs 2017 ta siman ofisial di Tráfiko Sigur. Minister Zita Jesus-Leito huntu ku Ministerio di Tráfiko, Transporte i Planifikashon Urbano (VVRP) ta duna atenshon speshal na seguridat den tráfiko. Meta di e siman aki ta pa konsientisá komunidat riba e importansia di un tráfiko sigur kual nos tur ta forma parti di dje di un òf otro forma.

Tur dia tin aksidentenan den tráfiko, sea chikitu òf grandi. Si nos tur ban paga mihó tinu den tráfiko, bisti nos faha di seguridat, kore segun e velocidat máksimo permití, no kore i usa alkohòl, i no kore i usa telefon, nos tur ta kontribuí na un tráfiko mas sigur.

Gobièrnu, di su banda, ta tuma pasonan importante pa alsa seguridat den tráfiko. Djis pa menshoná algun lo ta akshonnan manera entre otro:

- hasi kontròlnan di tráfiko riguroso i regular,
- trese kambionan den infrastruktura por ehèmpel: traha diferente rotònde, pone krusadanan elevá, hasi kamindanan mas smal pa evitá korementu duru, pone vários reflektor (cat eyes) pa halsa visibilidat,
- kùr tur vehíkulo motorista pa sòru ku nan ta kumpli ku reglanan di seguridat

Tur esakinan ku e meta pa stimulá un bon komportashon den tráfiko.

Durante di e siman di tráfiko sigur lo tin un konferensha ku diferente instansia di Gobièrnu, huntu ku stakeholders pa trata e tópiko ampliamente. Tópikonan ku lo keda trata ta entre otro: kiko ta seguridat di tráfiko; situashon aktual di nos tráfiko; transporte públiko; infrastruktura di nos kayanan; medidanan ku a tuma den último 5 aña; mobilitat i planifikashon urbano relashoná ku tráfiko; plannan pa futuro; i hopi mas. Tambe lo tuma lugá un diálgo ku tur presente i diskushon di gruponan mas chikitu.

Minister Zita Jesus-Leito ta hasi un apelashon na komunidat pa uza e siman aki pa paga èkstra tinu den tráfiko i kore semper responsabel.